

## BALKAN CASE CHALLENGE - BH CASE CHALLENGE 2008

WUS Austria Vam ponosno predstavlja BH Case Challenge - Balkan Case Challenge 2008. Svrha organizacije ovog prestižnog takmičenja, koje implementiramo već tradicionalno, po osmi put, jeste podrška procesu reforme visokog obrazovanja u BiH, kao i podrška Bolonjskom procesu.

### Šta je Balkan Case Challenge?

Balkan Case Challenge je takmičenje koje nastoji da unaprijedi nastavni proces kroz naglašavanje značaja case study metode, ali i događaj namjenjen prepoznavanju kvalitetnog mladog poslovnog kadra, te poticanja odličnih studenata iz Jugoistočne Europe. Balkan Case Challenge je fokusiran na izgradnju veze između visokog obrazovanja i tržišta rada, kao i sinergiju sa poslovnom zajednicom i regionalnu saradnju. Teži se otvaranju prilika i novih perspektiva za odlične studente kroz trening, takmičenje i pružanje konkretnih poslovnih prilika, a ujedno predstavlja promociju novih nastavnih metoda.

### Šta je BH Case Challenge?

BH Case Challenge je predtakmičenje koje nam omogućava odabir 50 najboljih studenata iz BiH koji će prezentovati našu zemlju i njen akademski kvalitet. Omogućavamo trening aplikantima nakon kojeg svi učestvuju u takmičenju i predstavljaju vlastita rješenja. Ta rješenja predstavnici kompanija i različiti eksperti evaluiraju i na osnovu njih selektiraju učesnike velikog Balkan Case Challenge finala u Beču.

### Koje discipline nudi učešće u BH Case Challenge 2008?

Samo takmičenje je strukturirano na način koji omogućava studentima da predstavljaju svoje znanje u jednoj od četiri discipline: ekonomija, pravo, model Evropskog vijeća i informacione tehnologije.

Business Case Competition sakuplja top studente biznisa/menadžementa/ekonomije. Studije slučaja se bave trenutnim pitanjima koja se odnose na poslovno okruženje i ekonomski razvoj u Jugoistočnoj Europi.

Law Moot Court je tradicionalna takmičenje u raspravi - npr. simulacija suđenja - gdje studenti pripremaju oralne iskaze i pisane argumente oslanjajući se na poznavanje principa međunarodnog javnog i evropskog prava.

Model European Council od 2008 godine mijenja Model UN-a<sup>1</sup>. To je autentična simulacija Europskog vijeća koje nije legislativno tijelo i koje raspravlja o neodložnim pitanjima i pregovara poziciju EU po pitanju istih. Ono daje glavni impuls, te socijalne, ekonomske i političke smjernice u svim oblastima aktivnosti EU. Cilj ove nove discipline je kreirati veću svjesnost o Europi među studentima, te ih informirati o strukturi i radu ovog EU organa.

Information Communication Technology (ICT) Case Competition simulira implementaciju informativno-komunikacijskih tehnologija u poslovnom okruženju. Učesnici trebaju analizirati poslovne procese i infrastrukturu kompanije i predložiti integrativno ICT rješenje.

### **Kada se održava BH Case Challenge?**

BH Case Challenge će se održati u periodu 26.-27. april 2008. godine u Sarajevu. Pobjednici takmičenja se kvalifikuju za veliko finale koje će se održati u periodu od 6.-11. jula 2008. godine u Beču!

### **Šta studenti dobijaju učešćem na BH Case Challenge-u?**

Pored direktne kvalifikacije za finalno takmičenje, organizacioni odbor BH Case Challenge-a svake godine sa svojim partnerima pobjednicima obezbijedi i nagrade poput učešća u ljetnim školama, prakse, vaučere za knjige, riječnike, kurseve i sl. BH Case Challenge studentima nudi da svoje dosadašnje iskustvo razmijene i prošire radom u grupama sa studentima iz cijele BiH, a onima koji se plasiraju u finale i sa studentima iz 10 zemalja Jugoistočne Evrope i iz Austrije. Ovo takmičenje je već široko prepoznato kako u sferi visokog obrazovanja, tako i kod kompanija, poslodavaca, te predstavlja dobru referencu svim učesnicima.

### **Ko ima pravo učešća?**

Studenti:

- dodiplomskog i postdiplomskog studija
- ekonomije, prava, političkih, tehničkih i srodnih nauka, dodiplomci i postdiplomci svih univerziteta u BiH (državnih i privatnih)
- završnih godina studija
- sa dobrim poznavanjem engleskog jezika
- mlađi od 28 godina
- sa visokim akademskim dostignućima i društveno aktivni

### **Kako se prijaviti?**


Za prijavu je potrebno posjetiti web stranicu Balkan Case Challenge-a [www.bccchallenge.org](http://www.bccchallenge.org).

<sup>1</sup> Od 2001 do 2007 godine Model UN-a je bio jedna od disciplina Balkan Case Challenge-a. Model UN-a je predstavljao autentičnu simulaciju sjednica Vijeća sigurnosti UN-a, gdje su studenti imali mogućnost da budu u ulozi diplomata i debatiraju o gorućim pitanjima svjetske politike nastojeći da postignu saglasnost kroz ~~razne~~ rezolucije.

Rok za prijavu je **31. mart 2008. godine!!!**

Za sve dodane informacije stojimo Vam na raspolaganju!

Sve najbolje,



**Maja Arslanagić**

BH Challenge 2008 Koordinator

Balkan Case Challenge

**WUS Austria - Ured u Sarajevu**

Telefon: 033 200 070

E-mail: [maja.arslanagic@wus-austria.org](mailto:maja.arslanagic@wus-austria.org)

[bcc\\_bh@bcchallenge.org](mailto:bcc_bh@bcchallenge.org)

Web adresa : [www.bcchallenge.org](http://www.bcchallenge.org)